

ARQUIVO


U.I. / N° Expte:

7.828 / 1



CONCELLO DE REDONDEIRA

Pontevedra



1634184

INDEX

For each page of the report, the following information is given: the page number, the title of the page, and the name of the author. The information is given in the following order: page number, title, and author. The information is given in the following order: page number, title, and author.

Page 1 of 1

Page 2 of 2

Page 3 of 3

Page 4 of 4



NUMÉ
PORAC
LOCAIS

L. NUMERADO
CORPORACIÓN
LOCAIS

Serie A N.º 1483484

4

DILIXENCIA

Para facer constar que para o presente **Libro de Actas do Concello Pleno**, adquiríronse 201 Folios de Papel Timbrado da Comunidade Autónoma de Galicia, Serie A, nº 1483484 ó 1504000, numerados correlativamente do folio 001 ó 201, e que a transcripción das Actas comeza na volta do folio N.º 001, e corresponde á sesión celebrada con carácter extraordinario o día **22 de Setembro de 2006**.

Redondela, 22 de Setembro de 2006.

A Secretaria Xeral

Ana Begoña Merino Gil

**SESIÓN EXTRAORDINARIA CELEBRADA POLO PLENO DO CONCELLO O DÍA 22 -
SETEMBRO - 2006**

ORDE DO DÍA

- 1.- APROBACIÓN DA ACTA DA SESIÓN ANTERIOR.
- 2.- ASIGNACIÓN DE DESTINOS DA MONETARIZACIÓN DE APROVEITAMENTOS LUCRATIVOS.
- 3.- RECOÑECIMIENTO EXTRAXUDICIAL DE GASTOS.

Na Casa do Concello de Redondela, sendo as nove horas do día vintedous de setembro de dous mil seis, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MÓNICA CARREIRA COUÑAGO, D^a. MARIA ALBINA REBOREDO SURIS, D. CARLOS GONZÁLEZ FERNÁNDEZ, D^a. FRANCISCA CANAL GÓMEZ, D. ANTÓN DÍAZ MOURELLE, D^a. M^a DEL CARMEN AMOEDO DASILVA, D. JAIME DARRIBA VILAS, D. XOSÉ CARLOS PAZOS DOCAMPO, D^a. CECILIA PÉREZ ORXE, D. ALEJANDRO BASTOS FERNÁNDEZ, D^a. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

Non asisten, excusando a súa ausencia, os/as Sres./as Concelleiros/as: D. MANUEL IGLESIAS CARRERA, D. JUAN TIZÓN CABALEIRO, D. FERMÍN ALFAYA PAZ, D. RODOLFO PATO GARCIA, e D^a. PURIFICACIÓN SERRANO CAVIEDES.

INCIDENCIAS.-

Con carácter previo no tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN DA ACTA DA SESIÓN ANTERIOR.-

Dada conta da acta da sesión anterior, correspondente á celebrada con carácter ordinario o 31 de agosto de 2006, polo concelleiro Sr. Bastos Fernández, pídese que se faga constar na acta tanto o bó como o malo, pois lle parece que faltan algunhas acusacións que lle fixo o concelleiro Sr. González Iglesias na sesión. O Sr. Alcalde dille que a Sra. Secretaria somentes pode recoller aquilo que considera máis importante, agás que expresamente se solicite que algunha cousa concreta conste en acta.

O concelleiro Sr. Bastos Fernández dí que iso xa o sabe, e que somentes quere por de manifesto a cuestión.

O concelleiro Sr. González Iglesias dí que non sabe a que se refire o concelleiro, pero que se llo dí, non ten inconveniente en repetir o que dixo para que se incorpore á acta da sesión, respostándolle o concelleiro Sr. Bastos Fernández que llo espera para a próxima ocasión.



NUMERADO
PORACIONES
LOCAIS



(Sinatura do Presidente)

Folio N.º 2

Serie A N.º 1483485

Non habendo máis intervencións, o Pleno do Concello, en votación ordinaria e por unanimidade dos/as seus membros presentes, sendo dezaseis votos a favor (7 do PSdeG-PSOE, 4 do PP, 2 do BNG, 2 de RA e 1 de EU-IU), acorda prestar aprobación ao acta da sesión celebrada con carácter ordinario o día 31 de agosto de 2006.-

2.- ASIGNACIÓN DE DESTINOS DA MONETARIZACIÓN DE APROVEITAMENTOS LUCRATIVOS.-

ANTECEDENTES.-

Dictame da Comisión Informativa de Economía, Facenda e Patrimonio de data 14 de setembro de 2006, que transcrita di:

“Vista a proposta do Concelleiro de Economía, Facenda e Patrimonio do día 06.09.06, que transcrita di:

“No estado de ingresos do orzamento do Concello de Redondela para o ano 2005 figuraban previstos uns ingresos de 1.030.280,00 euros na partida 0539700 en concepto de monetarización do 10% do aproveitamento lucrativo.

Na disposición adicional terceira das bases de execución do orzamento xeral do Concello de Redondela para o ano 2005 indicouse o destino dos ingresos procedentes da monetarización antes citada.

A Xunta de Goberno do Concello de Redondela, en sesión extraordinaria celebrada o día 28.12.05, aprobou definitivamente as propostas de equidistribución da finca do Carballo e da finca de Leirós, establecendo o valor substitutivo do 10% do aproveitamento lucrativo que lle corresponde ao Concello en 98.841,60 euros para a finca do Carballo, e 164.802,00 euros para a finca de Leirós.

O día 17.01.06 efectuáronse os ingresos dos importes antes citados.

Do total ingresado (263.643,60 euros), estaban gastados en fase P a día 31.12.05, 103.780,74 euros; e 159.862,86 euros do total non estaban gastados.

Tendo en conta o anterior, e dado o carácter de ingresos afectados da monetarización indicada, este Concelleiro proponse ao Concello Pleno a adopción do seguinte acordo:

Votación e dictame:

A Comisión Informativa de Economía, Facenda e Patrimonio, co voto favorable dos/as Srs/as Concelleiros/as do Grupo Municipal do PsdeG-PSOE (4), do BNG (1) e do Grupo Mixto (1), e a abstención do Grupo Municipal do PP (2), e do Grupo Municipal RA (1), emite o dictame seguinte:

“Primeiro.- Indicar como destinos dos 159.862,86 euros correspondentes ao resto da monetarización do 10 por 100 do aproveitamento lucrativo da finca do Carballo e da finca de Leirós os seguintes:

Destino	Contía
Equipamento praias	8.999,12
Pavimentación de camiños: Chouza, Pregal, Auga Enterrada, - Carambola, Lavandeira, Río de San e Cotiño (PPC/2005).....	41.613,54
Acondicionamento do interior da planta alta do local municipal no edificio Cardona, en Chapela, Redondela	43.976,23
Paseo da Feira en Redondela	60.000,00



Area recreativa de esparcemento en Cedeira	5.273,97
Total	159.862,86

Para os destinos citados, e nas contías indicadas, a Alcaldía acordará a tramitación do preceptivo expediente administrativo de modificación de crédito mediante xeración de crédito no orzamento do Concello de Redondela para o ano 2006.

Segundo.- Resolver os reparos formulados polo Interventor Xeral no Concello de Redondela (que fan referencia á inexistencia de crédito) e recoñecer extraxudicialmente os gastos das certificacións de obras correspondentes aos destinados antes citados e até o límite de cada unha das contías antes indicadas; quedando condicionados os recoñecementos á aprobación do expediente administrativo de modificación de crédito mediante xeración de crédito por importe de 159.862,86 euros no orzamento do Concello de Redondela para o ano 2006".

INTERVENCIÓNS.-

O concelleiro señor González Iglesias explica que a proposta debe modificarse no sentido de que debe suprimirse a contía asignada para equipamento de praias, por importe de 8.999,12 euros, e incrementarse na mesma contía a correspondente á "Area recreativa de esparcemento en Cedeira", que será de 14.273,04 euros no lugar dos 5.273,97 que figuraban na proposta da comisión. Tamén dí que a razón desta modificación ven de que xa se recoñecera a factura relativa ao equipamento de praias.

A concelleira señora Canal Gómez dí que en relación a dita factura e posto que a empresa que realizou os traballos adicase a cuestións de papelería, quere saber qué é exactamente o que fixo, posto que á factura lle falta o correspondente albarán.

O concelleiro señor Pazos Docampo dí que falta o albarán porque foron uns traballos adxudicados mediante resolución e a factura non leva albarán e que aínda que se trata dunha empresa que figura como de papelería e cousas desas o certo e que tamén fan ese outro tipo de traballos.

A concelleira señora Canal Gómez dí que en todo caso se ratifica na súa crítica aos orzamentos de 2005, cando dixeron que os ingresos previstos polas monetarizacións eran virtuais, coas que se inflaba o presuposto, de tal xeito que agora hai que resolver a situación no 2006.

O concelleiro señor González Iglesias dí que en todo caso se lle da a mesma finalidade prevista precisamente no orzamento.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as concelleiros/as presentes, sendo dezaseis votos a favor (7 do PSdeG-PSOE, 4 do PP, 2 do BNG, 2 de RA e 1 de EU-IU), acorda prestar aprobación ó dictame da Comisión Informativa de Economía, Facenda e Patrimonio, nos antecedentes transcrito, coa modificación proposta polo Concelleiro-Presidente da Comisión, quedando o apartado primeiro do dictame transcrito, do seguinte xeito:

"Primeiro.- Indicar como destinos dos 159.862,86 euros correspondentes ao resto da monetarización do 10 por 100 do aproveitamento lucrativo da finca do Carballo e da finca de Leirós os seguintes:

Destino	Contía
Pavimentación de camiños: Chouza, Pregal, Auga Enterrada, - Carambola, Lavandeira, Río de San e Cotoño (PPC/2005).....	41.613,54



(Selo da Comisión)

(Sinatura do Presidente)

Folio N.º 3

Serie A N.º 1483486

Acondicionamento do interior da planta alta do local municipal no edificio Cardona, en Chapela, Redondela	43.976,23
Paseo da Feira en Redondela	60.000,00
Area recreativa de esparcemento en Cedeira	14.273,04
Total	159.862,86

Para os destinos citados, e nas contías indicadas, a Alcaldía acordará a tramitación do preceptivo expediente administrativo de modificación de crédito mediante xeración de crédito no orzamento do Concello de Redondela para o ano 2006.-"

3.- RECOÑECEMENTO EXTRAJUDICIAL DE GASTOS.-

ANTECEDENTES.-

Dictame da Comisión Informativa de Economía, Facenda e Patrimonio de data 14 de setembro de 2006, que transcrita di:

"Tendo en conta que o día 27.01.06 adxudicáronse as obras correspondentes á área recreativa de esparcemento en Cedeira, asinándose o correspondente contrato administrativo o día 17.02.06.

Tendo en conta que para poder realizar as obras citadas foi preciso expropiar diversos terrenos, segundo acordo plenario do día 24.02.05; establecéndose varias contías en concepto de xustiprezo polo Xurado provincial de expropiacións, o que conlevou a minoración importante do crédito destinado á adquisición de terreos e á realización das obras.

Tendo en conta que mediante unha Resolución da Alcaldía, do día 27.01.06, adxudicáronse as obras do paseo marítimo e reforma da canle na praia de Arealonga, Chapela, por importe de 92.031,83 euros; asinándose o correspondente contrato administrativo o día 15.02.06.

Tendo en conta que as dúas obras citadas carecen de crédito adecuado, dispoñíbel e en contía suficiente no orzamento prorrogado do Concello de Redondela para o ano 2006, e que o orzamento xeral entrou en vigor o día 03.08.06.

Coa finalidade de evitar enriquecementos sen causa e quebrantos económicos á facenda do Concello de Redondela, e a de terceiros.

Este Concelleiro propónlle ao Concello Pleno a adopción do seguinte acordo:

Votación e dictame:

A Comisión Informativa de Economía, Faenda e Patrimonio, co voto favorable dos/as Sres/as Concelleiros/as do Grupo Municipal do PSdeG-PSOE (4), do BNG (1) e do Grupo Mixto (1), e a abstención do Grupo Municipal do PP (2), e do Grupo Municipal RA (1), emite o dictame seguinte:

Resolver os reparos formulados polo Interventor Xeral no Concello de Redondela (que fan referencia á inexistencia de crédito) e recoñecer extrajudicialmente os gastos das certificacións de obras correspondentes a:

Destino	Euros	Partida
Área recreativa de esparcemento en Cedeira	33.348,03	065111A61102



Paseo marítimo e reforma da can
le na praia de Arealonga, Chape-
la

92.031,83

065111A61106"

INTERVENCIÓNS.-

O concelleiro Sr. González Iglesias explica que polos mesmos motivos que no caso anterior, a proposta debe modificarse, de tal xeito que a contía do gasto previsto para a "Area recreativa de esparcemento en Cedeira" é de 24.348,91 euros, no lugar dos 33.348,03 que figuraban no dictame da Comisión.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as concelleiros/as presentes, sendo dezaseis votos a favor (7 do PSdeG-PSOE, 4 do PP, 2 do BNG, 2 de RA e 1 de EU-IU), acorda prestar aprobación ó dictame da Comisión Informativa de Economía, Facenda e Patrimonio, nos antecedentes transcrito, coa modificación proposta polo Concelleiro-Presidente da Comisión, quedando a parte dispositiva do devandito dictame, do seguinte xeito:

"Resolver os reparos formulados polo Interventor Xeral no Concello de Redondela (que fan referencia á inexistencia de crédito) e recoñecer extraxudicialmente os gastos das certificacións de obras correspondentes a:

Destino	Euros	Partida
Área recreativa de esparcemento en Cedeira	24.348,91	065111A61102
Paseo marítimo e reforma da canle na praia de Arealonga, Chape-la	92.031,83	065111A61106".-

E, non habendo máis asuntos que tratar, pola Presidencia dase por rematada a presente sesión, sendo as nove horas e quince minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 1 do Papel Timbrado da Comunidade Autónoma de Galicia, Serie A nº 1483484 ata a volta do folio núm. 3, Serie A nº 1483486, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGOÑA MERINO GIL

